

ՈՒՂԵՐՁՆԵՐԻ 17-ՐԴ ՇՐՋԱՆ

21 դեկտեմբերի, 2012 թ. – 28 դեկտեմբերի 2012 թ.

ՍԱՆԱՏ ԿՈՒՄԱՐԱ

21 դեկտեմբերի, 2012 թ.

ԱՅԺՄ ԵԿԵԼ Է ՁԵՐ ԳՈՐԾԵԼՈՒ ԺԱՄԱՆԱԿԸ

ԵՄ ԵՄ Սանատ Կումարան: Ես կրկին եկել եմ: Մենք այցելում ենք ձեզ՝ մարմնավորման մեջ գտնվողներին, որպեսզի ցուցաբերենք այն հնարավոր օգնությունը, որն անհրաժեշտ է ձեզ:

Ամեն անգամ նախքան գալստիս եթերային օլտավաններից ձեր թանձր աշխարհին մեր Ուղերձները տալու Աստծո նոր ողորմածության դուռ բացելու երկարատև ներխուժումով մանրագնի ընտրում եմ այն խոսքերը, որոնք տվյալ պահին կարող են առավելագույն օգնություն և օժանդակություն լինել ձեզ համար: Գիտեմ, որ ձեզնից շատերն սպասում էին այս մեծ ողորմածությանը և բազմիցս մտնում էին համացանցի մեր էջը՝ համոզվելու համար, որ Աստված և Վեհապետներն իրենց չեն լքել:

Այո, սիրելիներս, ֆիզիկական աշխարհում որքան ծանր է լինում լուսակիրների՝ մեր աշակերտների համար, այնքան ավելի մեծ ցանկությամբ ու հաճույքով եմ ես գալիս, որպեսզի օգնության ձեռք մեկնեմ նրանց, ովքեր ծարավ են ազատագրման, ովքեր իրենց ողջ էությանը պատրաստ են ընկալելու մեր նորացման էներգիաները, որոնք մենք անխնայ կերպով առաքում ենք ձեր աշխարհ՝ այդ թվում նաև մեր Ուղերձների միջոցով:

Ես գիտեմ, որ ձեզնից շատերը հատուկ սպասում էին իմ այսօրվա Ուղերձին: Եվ դա կապված է շատ պատճառների հետ: Իսկ դրանցից գլխավորն այն է, որ լուսակիրների համար ավելի ու ավելի է դժվարանում մոլորակի ֆիզիկական ոլորտի համակշռությունը պահպանելը: Իրոք, այդպես է:

Թո՛ղյլ տվեք հիշեցնել նախքան ձեր մարմնավորվելը եղած այն ակնթարթները, երբ ձեզ տրվում էին հանձնարարականներ և խրատներ:

Դուք պետք է հիշեք ձեր առաքելությունը:

Պետք է հիշեք հենց հիմա:

Ամեն անգամ, երբ աշխարհի որևէ ճնշող էներգիա փորձում է տիրել ձեր էությանը, դուք պետք է հիշեք, որ պարտավոր եք չենթարկվել այդ էներգիայի ազդեցությանը: Անցյալի բոլոր այն բացա-

սական էներգիաները, որոնք առկա են ձեր աշխարհում և հիմա թանձր օղակով շրջապատել են ձեզ, դուք պետք է հաղթահարեք ձեր ներքին ջանքերով:

Հատկապես հիմա է եկել ձեր գործելու ժամանակը: Ձեր ներքին ձեռքբերումները, որոնք դրսևորվում են որպես ձեր սրտի կրակներ, որպես ձեր աուրայի շողարձակում, որպես լուսապսակ ձեր գլխավերևում, հենց այժմ ձեր կողմից պետք է կիրառություն գտնեն: Ցանկացած բացասական հատկանիշ, որը դուրս է լողում ձեր ներսից կամ ձեզ է հասնում շրջակա տարածությունից, պետք է ձեր աշխատանքով անհապաղ չեզոքացվի:

Դա ձեր ներքին աշխատանքն է մտքերի և զգացմունքների ոլորտներում, աստեղային ոլորտում: Դա ձեր հոգևոր թաքուն մկանների աշխատանքն է, որոնք պետք է մարզվեք այն տարիների ընթացքում, երբ կարողում էիք մեր Ուղերձները:

Հենց հիմա է, որ դուք պարտավոր եք ջանք թափել: Քանզի Երկիր մոլորակի ապագան կախված է հենց այն աշխատանքի արդյունավետությունից, որը դուք հիմա կատարում եք՝ հաղթահարելով ցանկացած բացասական վիճակ:

Եթե ձեզ հաջողվի գոյիս հանել ցանկացած բացասական վիճակից, որը պտտվում է ձեր գլխավերևում, եթե կարողանաք հաղթահարել ձեր գիտակցության բոլոր բացասական վիճակները, ապա երաշխիք կստեղծեք, որ ֆիզիկական ոլորտը չի ենթարկվի հերթական տարերային աղետի, բնապահպանական արհավիրքի կամ սոցիալական պայթյունի ազդեցությանը:

Մեկական գիտակցությունն ու ենթագիտակցությունը փոխելու ձեր նրբին աշխատանքն ունակ է կանխելու ցանկացած տարերային աղետ:

Եվ այսօր, երբ Համբարձյալ Դասերը կհամոզվեն, որ բավարար քանակությամբ անհատականություններ կան, որոնք կարողանում են վերահսկել իրենց շրջակա տարածությունը և ղեկավարել մատերիայում առկա էներգիաները, Երկիր

մուրթակի համար կբացվեն նոր թողության շնորհներ և աստվածային ողորմածություններ:

Այժմ եկել է ձեր այն հիմնական աշխատանքը կատարելու ժամանակը, որի համար դուք մարմնավորվել եք: Ձեր ներքին նվաճումների միջոցով անհրաժեշտ է մշտապես պահպանել էներգիաների համակշռությունը:

Ձեր էգոն կջանա ձեզ տանել կեղծ ճանապարհով, որ մեղադրեք ուրիշ մարդկանց, ձեր երկրի կառավարությանը, իշխանական մարմիններին: Միշտ էլ կան այնպիսի ուժեր, որոնք փորձում են էլ ավելի ճոճել նավակը՝ օգտվելով ամեն մի բացասական էներգիայից:

Մեր Ուսմունքի հիմնական դրույթը, որը մենք անխոնջ կերպով մատուցում ենք մարդկության զարգացման ամբողջ պատմության ընթացքում, այն է, որ եթե ձեզ հետ ինչ-որ բան է կատարվում, ապա դրա պատճառը ինչ-որ ժամանակ հենց ինքներդ եք ստեղծել:

Եվ քանի որ աշխարհը հիմա նրբանում է, ապա ձեզ համար հնարավորություն է բացվում մտքերի ու զգացմունքների ոլորտում հաղթահարելու ցանկացած բացասական էներգիա՝ նախքան դրանք կհասցնեն ֆիզիկական ոլորտում արտահայտվել փոթորիկների և համադետների տեսքով:

Ձեզ վիթխարի հնարավորություն է տրվում, որպեսզի ձեր գիտակցությունը փոխելու միջոցով վերափոխեք ֆիզիկական ոլորտը:

Քրիստոսի գիտակցության հասած մեկ մարդը կարող է համակշռել շատերի կարման, որոնց հետ ինքը կարմայորեն կապված է և ապրում է նրանց անմիջական հարևանությամբ: Դա է պատճառը, որ մարդիկ միշտ բարեհաճությամբ էին վերաբերվում իրենց բնակության վայրում հաստատված սրբերին:

Մոր կայթի հետ նրանք գիտելիք էին ստանում,

որ իրենց կողմերում բնակվող սուրբն այն բանի երաշխիքն է, որ իրենց հողին, իրենց բերք ու բարիքին ոչ մի վատ բան չի պատահի: Եվ իրենց հետնորդներն էլ կլինեն առողջ ու երջանիկ:

Ձեր ժամանակներում այդպես չէ: Աշխարհը մոռացել է հինավուրց գիտելիքները: Իրենց սրբի տեղ դնողները սրբեր չեն, իսկ ով էլ որ սուրբ է, գրգռում է ու վանում:

Ձեր՝ լուսակիրներիդ հիմնական խնդիրն այն է, որ աշխարհին տաք ճշմարիտ կողմնորոշիչներ: Դրա համար անհրաժեշտ է հենվել ներքին գիտելիքի վրա, որը բխում է ձեր սրտերից: Որպեսզի ներքին կապ ունենաք ձեր սրտի ներսի գաղտնախորհուրդ մարդու հետ, պետք է մշտական, ամենօրյա աշխատանք կատարեք ձեր գիտակցության ու ինքներդ ձեզ հետ:

Հայտնի է տասնորդի օրենքը, համաձայն որի՝ ամեն ինչի տասաներորդ մասը պետք է Աստծուն տրվի: Նմանապես ձեր ժամանակի տասներորդ մասը պետք է հատկացվի հոգևոր գործառույթներին և աստվածահաճո գործերին:

Օրվա ունայնության մեջ մի՛ մոռացեք Աստծո մասին: Եթե օրվա ամենաթունդ ժամին, երբ առօրեական էներգիաները ռոտից գլուխ պարուրել են ձեզ, գիտակցության ինչ-որ մի անկյունում հուշ պահեք Աստծո մասին, ապա կենսական ոչ մի փոթորիկ կամ անհաջողություն այլևս սարսափելի չի լինի ձեզ համար:

Մշտապես պահպանեք ձեր սրտի մաքրությունը, կենսական ինչպիսի իրավիճակում էլ որ հայտնվելու լինեք: Դա կօգնի ձեզ, որ կյանքում պահպանեք ճիշտ ուղղություն և ընթանաք այն վերին Ուղով, որն Աստված նախատեսել է ձեզ համար...

ԵՄ ԵՄ Սանատ Կումարան: ՕՄ

ՏԵՐ ՇԻՎԱ

22 դեկտեմբերի, 2012 թ.

ԵՍ ԵԿԵԼ ԵՄ ՁԵՁ ԱՍՏԾՈ ՄԱՍԻՆ ՈՒՍՄՈՒՆՔ ՏԱԼՈՒ

ԵՍ ԵՄ Շիվան...

Ես եկել եմ...

Եկել եմ՝ ինչպես միշտ հզոր և իմ ամբողջ լիակատարությամբ...

Շիվան ԵՄ ԵՄ...

Այսօր ես եկել եմ ձեզ ասելու այն ճշմարտության մասին, որը դեռ չի տեղավորվում ձեր գիտակցության մեջ, բայց եթե երկար ու համատ

մտասևեովեք այդ ճշմարտության վրա, ապա աստիճանաբար ինքներդ կդառնաք այդ ճշմարտության դրսևորումը:

Ես եկել եմ ձեզ Աստծո մասին Ուսմունք տալու: Քանզի թե՛ այս, թե՛ բոլոր մյուս աշխարհներում Աստծուց բացի ոչինչ չկա: Եվ ձեր ունեցած գիտակցությունը հենց այն միակ բանն է, որը ձեզ բաժանում է Աստծուց և Նրա ճշմարտությունից:

Եթե ամեն օր մտասևեռվեք Աստծո և Նրա Ճշմարտության վրա, ապա ավելի ու ավելի լիարժեքորեն կկարողանաք արտահայտել այդ Ճշմարտությունը ձեր աշխարհում:

Ձեր մարմնավորման խնդիրն է հնարավորություն տալ, որ Աստծո Ճշմարտությունը դրսևորվի ձեր միջոցով՝ ձեր էության միջոցով...

Ինչպե՞ս դա իրականացնել... Ինչպե՞ս իրագործեք ձեր մարմնավորման նպատակը:

Իհարկե, ձեզնից շատերի համար իմ խոսքերը տարօրինակ ու անիմաստ կթվան: Բայց եթե այդպես է, ուրեմն ձեր գիտակցությունը հուսալիորեն արգելափակված է Աստծո Ճշմարտությունից: Ուրեմն պետք է անհապաղ քայլեր ձեռնարկեք, որպեսզի վերագտնեք ձեր գիտակցության ճիշտ վիճակն ու կյանքի ճշմարիտ կողմնորոշիչները:

Պատկերացրեք մեկին, որը մոլորվել է անտառում: Ծանոթ աշխարհը մնացել է հետևում: Չորս բոլորը բոլորովին ուրիշ իրականություն է՝ թավ անտառ, անանցանելի թփուտներ, բարձր ծառեր: Ձեն երևում ո՛չ արևը, ո՛չ հորիզոնը: Շուրջը կիսախավար է, իսկ օդը հագեցած է խոնավության ու փտած խաշամի հոտով: Ո՛չ քամի է խաղում, ո՛չ էլ որևէ լույսի շող:

Ձեր այժմյան գիտակցության վիճակը հիշեցնում է անտառում մոլորված մարդու վիճակ: Նույն կերպ դուք խորատուգվել եք պատրանքի թավուտի մեջ և չգիտեք, թե ո՞ր կողմ շարժվեք: Երբեմն ձեզ թվում է, թե գտել եք ինչ-որ կածան, որը, հույս ունեք, ձեզ դուրս կհանի թփուտների միջից: Դա այն է, երբ կառչում եք առաջին պատահած ուսմունքին կամ հավատամքին: Դուք ծանոթ խոսքեր եք լսում Աստծո մասին և ձեր էության խորքերից արձագանքում եք դրանց: Բայց որոշ ժամանակ անց հասկանում եք, որ սխալվել եք: Պարզվում է, որ այդ կածանը ձեր գիտակցության հերթական խաբկանքն էր:

Դուք կրկին հուսահատության գիրկն եք ընկնում և աղաչում Աստծուն, որ ձեզ ցույց տա Ուղին: Ձեզ թվում է, թե լրիվ անհուսալի վիճակում եք: Այլևս ուժ չկա, որ հաղթահարեք վախը, ձեր մարդկային գիտակցության աղջամուղջն ու ձեզ շրջապատող թավուտը: Պատրանքն ամբողջովին տիրում է ձեր գիտակցությանը: Թվում է, թե ձեր կենսակերպը ոչնչով չի կարող փոխվել: Ամեն ինչ գորշ է ու անհրապույր: Լսվում են միայն քաղաք-ջունգլիների վայրի կոինչները, արգելակների ճոնջունը, ահերն ու շրշունները:

«Մինչև երբ, Տեր...», - կանչում է ձեր հոգին, - «Հնարավոր է այս ամենին էլի դիմանալ...»:

Եվ այնժամ, երբ թվում է, թե ողջ աշխարհում ոչ մի լավ բան չկա, երբ շրջապատում ամեն ինչ թվում է թշնամական ու անբարյացակամ, կբացվի Ուղին և կերևա Աստծո Ճշմարտությունը: Ո՛չ ձեզնից, ձեր էությունից դուրս ինչ-որ տեղ: Ճշմարտությունը կբացվի ձեր ներսում: Եվ դա իրապես նման կլինի գերնոր աստղի բռնկման:

Դա անցում է գիտակցության նոր մակարդակի:

Դա պայծառացում է...

Դա ցնծություն է...

Դա երջանկություն է...

Դա երանություն է...

Ձեզնից շատերն են արդյոք նման վիճակ ապրել:

Ձեզնից շատերն են արդյոք սպասում այդ վիճակին:

Ես գիտեմ, և դուք էլ պետք է գիտենաք, որ այդ էքստազի և երանության վիճակին չէ, որ դուք պետք է ձգտեք: Դուք պետք է ձեր ներսում գտնեք ներքին վստահության, արժանապատվության, վեհանձնության, ներդաշնակության և անդորրության ավելի կայուն վիճակ: Դա է այն իսկական վիճակը, որը կօգնի ձեզ, որ հաղթահարեք ցանկացած դժվարություն և փորձություն: Պետք է ձգտեք ձեր ներսում գտնել համակշռության կետ, հենակետ: Սա շատ կարևոր է: Քանզի եթե դա ձեզ հաջողվի, եթե հենման կետ գտնեք ձեր ներսում, ապա միշտ անվրդով կլինեք, նույնիսկ եթե ձեր շուրջը ողջ աշխարհը փոթորկվի:

Հենման այդ կետը կապ է ձեր ճշմարիտ աստվածային էության, ձեր ներսի Աստծո հետ:

Այնժամ, երբ ձեռք եք բերում հավասարակշռության և անդորրության այդ վիճակը, հասնում եք վիթխարի հաղթանակի: Որոշ ժամանակով կարող եք կորցնել այդ վիճակը, կրկին ու կրկին խրվել պատրանքի մեջ, բայց արդեն ձեզ հայտնի կլինի, թե դեպի ուր պետք է մղվեք:

Դա նման է կողմնացույցի, որն ուղղորդում է ձեզ, երբ մոլորված եք լինում անտառում: Եթե ուղղությունը պահեք, ապա վաղ թե ուշ դուրս կգաք թավուտից, և պատրանքի կիսախավարում ձեր դեգերումները վերջ կգտնեն:

Նկատի ունեցեք, որ դեպի իրականություն շարժվելու ձեր ջանքերը պետք է մշտական լինեն: Ձեք կարող մի օր մղվել դեպի Ուղին, իսկ հաջորդ օրը կիրականորյա հանգիստ տալ ձեզ:

Եթե մշտապես ջանքեր չգործադրեք, որպեսզի դուրս գաք անտառից, ապա վտանգ կստեղծեք, որ երբեք դուրս չեք գա: Վայրի գազանները հենց դրան են սպասում, որ թալկանաք ու պառկեք քնելու:

Այդպես էլ ձեր աշխարհում է, որտեղ ապրում եք. եթե այլևս ամենօրյա ջանքեր չեք գործադրում, ապա ձեր անհագ ցանկությունների վայրի գազանները հարձակման են անցնում, և լավ կլինի, եթե ժամանակին ուշքի գաք և հիշեք, որ պետք է շարունակել ընթացքը:

Ձեր Ուղու բոլոր ուղենիշները հայտնի են:

Բոլոր վտանգները նշված են:

Պետք է միայն ինքներդ ուժ գտնեք ձեր ներսում և սկսեք ընթանալ:

Գիտակցեք, որ ձեր աշխարհում ամեն ինչ չէ, որ իդեալական է: Ավելի ճիշտ՝ ամեն ինչ շատ հեռու է իդեալական լինելուց: Ուստի ձեզ համար

հիմնականն ու գլխավորը կլինի այն, որ ձգտեք զանազանելու կարողություն ձեռք բերել՝ աստվածային տեսողություն:

Եթե դուք մանրագնին կերպով ձեր շուրջը եղածից ջուլջուլեք և ընտրեք, հոգաք իրերի թրթռաների, ձեր կերած կերակուրի, ձեզ հետ շփվող մարդկանց, գրքերի որակի մասին, ապա որոշ ժամանակ հետո այն տարածությունը, որը ստեղծել էք ձեր շուրջը, կսկսի ձեզ օգնել և օժանդակել այն պահերին, երբ կորցրած կլինեք ներքին կողմնորոշիչները:

Կյանքում ամեն ինչ ունի իր նշանակությունը:

Ամեն ինչին պետք է շատ ուշադիր վերաբերվել: Երբեմն մի առարկան, որի վրա դժվար պահին բևեռում եք ձեր ուշադրությունը, բավարար է լինում, որպեսզի ձեր թրթռոնները փոխվեն և դուրս գաք բարձր, աստվածային թրթռոնների գոտի:

Այժմ եկել է այն ժամանակը, երբ ձեր ամեն մի նախընտրանքից, ամեն կատարած քայլից և ամեն մի մտքից շատ բան է կախված:

Հանգամանքները մոլորակի վրա փոխվել են: Հարկավոր է շատ ուշադիր լինել:

ԵՍ ԵՄ Շիվան...

ԷԼՈՒՑԻՄ ԽԱՂԱՂՈՒԹՅՈՒՆ

23 դեկտեմբերի, 2012 թ.

ՁԵՐ ՀԻՄՆԱԿԱՆ ԽՆԴԻՐՆ Է ԲԱՐՁՐԱՑՆԵԼ ԵՐԿԻՐ ՄՈԼՈՐԱԿԻ ՄԱՐԴԿԱՆՑ ԳԻՏԱԿՑՈՒԹՅՈՒՆԸ

ԵՍ ԵՄ Էլոուցիմ Խաղաղությունը՝ Երկիր մոլորակի վրա ներկայումս ապրողներիդ այցի եկածը: Խոնարհ ողջույնս եմ հղում ձեզ, որ ձեր մեջ ուժ և արիություն եք գտել անցումային այս ժամանակներում մարմնավորվելու համար:

Ձեզնից շատերը հույսով ու սրտի թրթռով իրենց հայացքը հառում են ձեզնից նրանց, ովքեր չեն մոռացել իրենց սպասավորության ու այն երդման մասին, որը տվել են մարմնավորվելուց առաջ:

Ձեր հիմնական խնդիրն է բարձրացնել Երկիր մոլորակի մարդկանց գիտակցությունը: Այդ խնդիրը հիմա ամենակարևորն է դառնում: Քանզի այն բանից, թե որքանով կհաջողվի լուծել այդ խնդիրը, կախված է ապագան: Բոլորովին չէի ցանկանա, որ վախ զգաք ապագայից: Բոլոր դեպքերում Համբարձյալ Վեհապետները ձեզ հետ են և պատրաստ են դժվար պահերին օգնության ձեռք մեկնելու: Նաև ես եմ այսօր եկել, որպեսզի խաղաղության էներգիա փոխանցեմ ձեր աշխարհին:

Իմ էներգիաների գործիքայն այս գիշեր ճեղքվեցին անհասկացողության, ատելության ու թշնամանքի կապարե զրահները, որոնք հոժ օղակով շրջապատել էին մոլորակը: Իմ էներգիաները ձեզնից շատերի հոգիներում վերածնեցին ձգտումը դեպի խաղաղություն և անդորրություն:

Ամեն ոք, ով կկարողանա այս դժվար ժամանակներում ներքուստ պահպանել էներգիաների համակշռություն, ներքին անդորր ու ներդաշնակություն, երաշխիք կստեղծի ամբողջ մարդկության կայուն զարգացման համար: Ուստի մի

դադարեք մտածել խաղաղության մասին, արտաքին աշխարհին առաքեք ներդաշնակություն և խաղաղության իմ էներգիաները փոխանցեք ձեր աշխարհին:

Այժմ ես կուզենայի կանգ առնել այն հանգամանքի վրա, որ ձեզնից յուրաքանչյուրը կարող է և ունակ է համակշռելու Երկիր մոլորակի իրավիճակը: Ձեմ թաքցնում՝ լինում են պահեր, երբ դժվար է լինում այդ համակշռությունը պահպանելը: Եվ երբեմն մեկը, ով, գտնվելով կյանքի հորձանուտում և շրջապատված լինելով անբարենպաստ պայմաններով, անասելի ջանքերի գնով այնուամենայնիվ կարողանում է պահպանել ներքին համակշռությունը և աշխարհին առաքել իր սրտի սերը, դրանով իսկ կարողանում է կանխել հերթական պատերազմը կամ սոցիալական պայթյունը:

Անցնող տարվա ընթացքում նման դեպքեր բազմիցս եղել են: Ամեն անգամ, երբ մեզ հակադիր ուժերը ճոճում էին նավակը, և թվում էր, թե հերթական պատերազմն ու արյունահեղությունն արդեն անխուսափելի են, գտնվում էր մեկը, որն իր ներքին վիճակով, ներքին նվաճումների և անկեղծ աղոթքի միջոցով հանդարտեցնում էր բացասական տարերքը:

Համակշռության պահպանումը կհեշտանա, եթե մարդկությունն ամբողջապես գտնվի գիտակցության ավելի բարձր մակարդակի վրա: Գիտակցության մակարդակն է որոշում արտաքին հանգամանքները, կառավարում արտաքին ուժերի դրսևորումները և դասավորում ֆիզիկական աշխարհի հանգամանքները:

Ուստի ամեն անգամ, նախքան ձեր էներգիան ներդնելը համակշռությունը խախտող որևէ գործունեության մեջ, մի պահ կանգ առեք և մտորեք: Կան դուք ձեզ հատկացված Աստծո էներգիան ուղղորդում եք ավերածություն, բացասական դրսևորում և համակշռության խախտում առաջացնելուն, կան գերադասում եք պահպանել ներքին ներդաշնակություն և անդորրություն:

Աշխարհին երբեմն տիրում են անորակ էներգիաները, և տարերքների կույր հոսանքը բազում կենսահոսքերի քշում-տանում է անորակ ուղով: Անցած 20-րդ դարի բոլոր պատերազմներն ու ժամանակակից պատմական շատ իրադարձությունները հենց այն բանի օրինակներ են, երբ որևէ անորակ միտք տիրած է եղել որևէ երկրի բնակչության որոշակի կրիտիկական զանգվածի գիտակցությանը: Դրանից հետո մարդիկ այլևս դրության տերը չեն լինում և դառնում են անորակ էներգիաների պատանդը: Արդյունքում ինչ-որ մեկի գիտակցության մեջ ծագած անորակ մտքի զոհն են դառնում միլիոնավոր մարդկային կյանքեր:

Բայց նաև ճիշտ նույն կերպ, եթե որևէ բարեբեր միտք տիրում է զանգվածների գիտակցությանը, ապա ունակ է լինում փոխելու պատմության ընթացքը և մարդկությանն ուղղորդելու ավելի դյուրին Ուղով:

Համբարձյալ Դասերը նուրբ ոլորտում նախապատրաստում են լուսավոր ապագայի ձևանմուշներ: Այդ ձևանմուշները պատրաստ են լինում իջնելու և փնտրում են այն հոգիներին, որոնք ունակ են դրանք կյանք մտցնել:

Սակայն, որպեսզի դուք համահունչ դառնաք մեր թրթռանքին և ունակ լինեք ձեր աշխարհ իջեցնելու լուսավոր էներգիաներ, պետք է նախապես համալարվեք Բարձրագույն աշխարհների հետ:

Սակայն պատրանքային ուժերն իրենց մերձիմահ կատաղության մեջ ջանում են զավթել և Ուղուց հանել հոգիներին՝ դրա համար օգտագործելով կեղծ ձևանմուշներ և դրսևորումներ:

Դուք պետք է շատ լավ գիտակցեք, որ ձեր աշխարհում գործում են բարու և չարի ուժեր: Եվ դուք ինքներդ եք ընտրում, թե ո՞ր ուժերի կողմը բռնեք: Հարկ է, որ կարողանաք գիտակից կերպով դասակարգել ձեր աշխարհի ամեն մի դրսևորում. այն է՝ ի՞նչ ուժեր են կանգնած տվյալ դրսևորման հետևում: Եթե ձեր մտքերով, հույզերով և գործողություններով աջակցում եք կեղծ, անաստված

ձևանմուշներին, ապա ընդդիմություն եք դառնում զարգացման էվոլյուցիոն ուղու նկատմամբ: Դուք աջակցում եք պատրանքային ուժերին: Դուք ձեր գիտակցությամբ սահում եք դեպի ավելի ցածր մակարդակ:

Եվ հակառակը՝ եթե թույլ եք տալիս, որ աստվածային դրսևորումներն արտահայտվեն ձեր միջոցով, եթե բարձրացնում եք ձեր և ձեր շրջապատի մարդկանց գիտակցությունը, ապա ընթացում եք ճիշտ ուղղությամբ և համակշռություն եք պահպանում շատ ու շատ մարմնավորված անհատների փոխարեն:

Պետք է ձեզ ասեմ, որ Բարու և Լույսի յուրաքանչյուր այդպիսի գեներատոր ունակ է չեզոքացնելու մահվան ու դժոխքի ուժերի ամբողջական հրոսակախմբերի:

Ես ի սրտե կամենում եմ, որ դուք միշտ հանդես գաք լուսավոր ուժերի կողմից: Այդ դեպքում մենք միասին կկարողանանք կանխել ցանկացած պատերազմ, ցանկացած ագրեսիա և ցանկացած ատելություն ու հակակրանք:

Հավատացե՛ք ինձ, միայն ձեր գիտակցության մակարդակն է արգելք հանդիսանում հաջորդ էվոլյուցիոն մակարդակին անցնելու համար: Եվ ինքներդ եք պատասխանատու, թե դեպի ուր եք ուղղում ձեր էներգիան: Մշտապես՝ դեպքերի 100 տոկոսում, միայն ինքներդ եք պատասխանատու ձեր այն էներգիայի ծախսման համար, որը մշտապես հոսում է ձեր էության, ձեր նուրբ մարմինների և ձեր չակրաների միջով: Միայն ինքներդ եք կրում ձեզ հատկացված Աստծո էներգիան ծախսելու պատասխանատվությունը: Եվ համայն տիեզերքում չկա որևէ մարդ կամ էակ, որը ձեր փոխարեն ընտրություն կատարի:

Դուք միշտ հնարավորություն ունեք կանգ առնելու և մտորելու՝ գործում եք Աստծո կամքին համահունչ, թե՛ ընդդեմ Աստծո:

Ես շատ լավ հասկանում եմ, որ ձեր աշխարհում հաստատված պայմաններում շատ դժվար է ընտրություն կատարելն ու իրավիճակը գնահատելը: Այդ պատճառով ավելի հաճախ ձեր կյանքում դիմեք Աստծուն և Համբարձյալ Դասերին, աստվածային խրատներ և Աստվածառաջնորդություն խնդրեք, և միշտ կստանաք դրանք:

Ես այս օրով եղա ձեզ հետ:

ԵՍ ԵՄ ԷՆՐՅԻՄ՝ Խաղաղությունը

ԱՐԺԱՆԱՊԱՏՎՈՐԵՆ ՄՈՒՏՔ ԳՈՐԾԵՆՔ ՆՈՐ ԴԱՐԱՇՐՋԱՆ...

ԵՍ ԵՄ Սեն Ժերմենը...

ԵՍ ԵՄ կրկին ձեզ այցելողը, տիկնայք և պարոնայք...

Այսօրվա իմ գալստյան նպատակը մեր համատեղ նվաճումների հաստատագրումն է:

Այո, սիրելիներս, որպես Նոր Դարաշրջանի Հիերարխի՝ ես հաճույքով փաստում եմ, որ համատեղ ջանքերով մեզ հաջողվեց համայն վիթխարի ֆիզիկական աշխարհը հեռացնել անցյալի էներգիաներին վերադառնալու շրջման կետից...

Դա իրականացավ բառացիորեն մի քանի օր առաջ:

Այն ընթացքում, երբ մարդկությունը սպասում էր հերթական «աշխարհի վերջին», մենք վիթխարի աշխատանք կատարեցինք Երկիր մոլորակի ֆիզիկական ոլորտի էներգիաների տեղաշարժման բնագավառում:

Եվ հիմա այլևս հնարավոր չէ չտեսնելու տալ, թե ինչպես են ավելի ու ավելի բացահայտ դառնում ֆիզիկական ոլորտի փոփոխությունները:

Հետդարձի կետը հաղթահարված է...

Ինչ է տալիս դա մարդկությանը... Դա նշանակում է, սիրելիներս, որ այլևս ձեզ չի սպառնում այն էներգիաներին վերադառնալու վտանգը, որոնք անցյալ դարաշրջանում արդեն սպառել են իրենց:

Այլևս ձեզ չի սպառնում այն մղձավանջը, որը մարդկությունն իր վրա փորձարկեց անցած 2000 տարիների ընթացքում:

Նոր Դարաշրջանը մտավ իր իրավունքների մեջ...

Եվ ես՝ որպես Նոր Դարաշրջանի Հիերարխի, ուզում եմ ձեզ վստահեցնել, որ մարդկությունն ընդհանուր առմամբ պատրաստ է իր գիտակցությունը փոխելու ճանապարհով անցում կատարելու Նոր Դարաշրջանին:

Դուք հիմա տարակուսում եք, քանի որ ձեզ թվում է, թե ոչինչ տեղի չի ունեցել, և ձեր շուրջն ամեն ինչ նույնն է մնացել: Այդպես չէ, սիրելիներս: Հավաստիացնում եմ ձեզ, և ձեզնից շատերն իրենք էլ արդեն հասկացել են, որ Երկրի էներգիաները համամոլորակային փոփոխություններ են կրել:

Իհարկե, ձեզնից որոշները պատրաստ չեն ընդունելու նոր էներգիաները: Շատերը փորձում են վերադառնալ անցյալին, որտեղ իրենց համար հարմարավետ կյանք էին վարում: Բայց արդյոք ձեզ համար այդքան լավ էր ամեն ինչ, սիրելիներս... Եվ արդյոք անցյալի ձեր կարոտախտը պարզապես վախը չ'է սպագայի նկատմամբ:

Խիզախությունն անհրաժեշտություն է ձեզ համար...

Ուրախությունը երբեք չպետք է լքի ձեզ...

Ձեր էությունը պետք է բաց լինի փոփոխությունների հանդեպ: Միթե՞ ձեզ չի հետաքրքրում, թե ինչ է նախապատրաստել ձեզ համար Նոր Դարաշրջանը...

Նոր Դարաշրջանում տեղ չեն ունենա այնպիսի եսասիրական դրսևորումները, ինչպիսիք են անհանդուրժողականությունը, արատավորությունը, ստեղծությունը, հակակրանքը:

Նոր Դարաշրջանին բնորոշ կլինեն հանդուրժողականությունը, ազատությունն ու անկախությունը:

Անկախություն՝ արտաքին հանգամանքներից: Դուք կկարողանաք ավելի ազատ ու համարձակ դրսևորել ձեր աստվածային բնույթը: Բայց այն ամենը, ինչը կհակասի Աստծո Օրենքին, ավելի ու ավելի շատ խոչընդոտների կհանդիպի իր ճանապարհին:

Եվ եթե դուք կապված եք անցյալին, եթե սովորեք ապրել ահերով, ապա ստիպված կլինեք հրաժեշտ տալ ձեր սովորություններին: Անհապաղ...

Այժմ դուք պետք վճռականորեն խորհրդածեք այն մասին, թե ձեր ներսում ինչն է, որ չի համապատասխանում ժամանակի պահանջներին:

Եսասիրությունը, իր բոլոր դրսևորումներով հանդերձ, կփոխարինվի կոլեկտիվիզմով՝ աշխարհի և հարազատ մոլորակի ճակատագրի նկատմամբ կոլեկտիվ պատասխանատվությամբ:

Ահր, ինչով էլ որ այն արտահայտվելիս լինի, պետք է փոխարինվի վաղվա օրվա նկատմամբ վստահությամբ և արտաքին հանգամանքներից անկախ լինելով:

Եթե ձեր կյանքն անխզելիորեն կապել եք Աստծո և Վեհապետների հետ, և Աստծո Օրենքն է իշխում ձեր կյանքում, ապա ինչը կարող է կանգնել ձեր ճանապարհին...

Այդ դեպքում ցանկացած խոչընդոտ, ցանկացած դժվարություն դուք հեշտությամբ հաղթահարում եք: Եվ երեկվա կենսակերպի այն դինոզավրերը, որոնք դեռևս ջանում են ձեզ կապել անցյալին, ստիպված կլինեն լքելու համաշխարհային թատերաբեմը: Նոր Դարաշրջանի աշխարհայացք ունեցող նոր մարդիկ կգան փոխարինելու դեկավարների հին սերնդին: Եվ համաշխարհային կառավարության մեջ շատ շուտով տեղի կունենան այնպիսի փոփոխություններ ու

տեղաշարժեր, որոնք թույլ կտան կառավարման աստվածային սկզբունքներ մտցնել ավելի ու ավելի շատ երկրների կառավարման մակարդակներով:

Ձեզ հայտնի է, որ որպես կոմս Սեն-ժերմեն իմ վերջին մարմնավորման ընթացքում ես մասնագիտացել էի հենց այն բանում, որ օպտիմալ ձևով կարգավորեմ աշխարհի և հատկապես Եվրոպայի քաղաքական իրավիճակը:

Թվում էր, թե իմ ջանքերն առանձնապես մեծ օգուտ չտվեցին, սակայն Համբարձյալ Դասերը հսկայական փորձ ձեռք բերեցին, որի միջոցով պատրաստ են իրականացնել ներկայիս փոփոխությունները: Տեղի ունեցող փոփոխությունների բոլոր մանրամասներին դուք իրազեկ չեք դառնա: Պարզապես ամեն տարվա հետ ավելի ու ավելի շատ կզգաք աստվածային սկզբունքների հարաճուն ներթափանցումը ինչպես ձեր, այնպես էլ ամբողջ մոլորակի կյանքի մեջ:

Իհարկե, հիմնը դեռ կղիմադրի: Բայց այդ խղճով դառնացումներն այլևս չեն վախեցնի մարդկային համակցության հիմնական գանգվածին, որին վաղվա օրն ավելի ու ավելի մեծ վստահություն կներշնչի:

Ցավալի է, որ մեր խրատներն ու առաջնորդությունը մատչելի չեն Երկիր մոլորակի բնակչության ճշող մեծամասնությանը: Սակայն Նոր Դարաշրջանին բնորոշ կլինի ամենայն դրականի ակնթարթային տարածումը, ինչը տեղի կունենա երկրագնդի ամենատարբեր անկյուններում՝ մարդկության լավագույն ներկայացուցիչների ուղեներում: Ամենայն առաջադեմ բան ակնթարթորեն կտարածվի երկրագնդի բոլոր տարածքներում ոչ

միայն համացանցի շնորհիվ: Դրա նման մի բան էլ հիմա սկսում է գործել նաև մոլորակի նուրբ ոլորտում...

Դա դրական մտածողության համամոլորակային ցանցն է: Այդ ցանցով լույսի արագությամբ ողջ երկրագնդով մեկ կտարածվեն միայն աստվածային սկզբունքներն ու մեթոդները:

Այդ համամոլորակային ցանցին դուք կարող եք միանալ անմիջապես: Ես այն ձեզ համար հիմա մատչելի կդարձնեմ:

Ձեր մուտքագրվող անունն է՝ Նոր Դարաշրջան, գաղտնաբառը՝ Գիտակցության Նոր Մակարդակ:

Հենց որ ձեր էության ներսում լրացնեք նոր համացանցի մուտքի համար անհրաժեշտ այդ բառերը, կկարողանաք օգտվել այդ ցանցի բոլոր առավելություններից:

Ձեր գիտակցությունը, ձեր աստվածային գիտակցությունը նուրբ ոլորտում փոխազդում է նմանատիպ նուրբ գիտակցությունների հետ, որոնք մղված են դեպի Աստված և հավատարիմ են Վեհապետներին: Եվ այդ նոր համամոլորակային ցանցում բազմապատկվելով մասնակիցների թվով՝ նոր գիտակցությունն ավելի ու ավելի մեծ հաջողությամբ կտարածվի Երկիր մոլորակում:

Ես ձեզ հետ եմ...

Մենք միասին ենք...

Արժանապատվորեն մուտք գործենք Նոր Դարաշրջան...

Հառնջ...

ԵՍ ԵՄ Սեն Ժերմենը

ՏԵՐ ՍՈՒՐԻԱ

25 դեկտեմբերի, 2012 թ.

ՊԱՐԶԱԲԱՆՈՒՄՆԵՐ ՄՈԼՈՐԱԿԻ ԻՐԱՎԻՃԱԿԻ ՎԵՐԱԲԵՐՅԱԼ

ԵՍ ԵՄ Սուրիան՝ այս օրով կրկին ձեզ այցի եկածը:

Ես հեռվից եմ եկել՝ տիեզերքի հեռավոր լայնարձակություններից: Եվ որոշակի ժամանակ պահանջվեց, որպեսզի հարմարվեմ ու համալարվեմ Երկիր մոլորակի թրթռանքներին:

Իմ վերջին Ուղերձից հետո մոլորակի վրա շատ բան է փոխվել, և ես պետք է հաճույքով հաստատեմ այն փաստը, որ անխուսափելի փոփոխություններ են տեղի ունեցել դեպի լավը: Ձեզնից շատերի համար իմ խոսքերն առնվազն տարօրինակ կթվան, քանի որ չեք զգում, որ ձեր շրջապա-

տում տիրող վիճակը թեթևացել է: Ընդհակառակը, ձեզ թվում է, թե աղջամուղջն ավելի է թանձրանում, և իրավիճակն ավելի է բարդանում:

Ձեզ թվում է, թե վիճակն անելանելի է, և տարակուսում եք, թե Համբարձյալ Դասերն ինչո՞ւ են ցնծում...

Պետք է հայտնեմ, որ իրավիճակի ձեր և մեր ըմբռնումներն իրարից տարբերվում են: Դուք աշխարհն ընկալում եք՝ հիմնվելով ձեր կենսափորձի և իրականության ընկալման ձեր զգայարանների վրա: Ուստի և ձեզ թվում է, թե իրավիճակը լարվում է և վատթարանում:

Իսկ մեր տեսակետից ընդհակառակն է՝ ամեն ինչ դեպի լավն է գնում:

Հարցն այստեղ թրթռանքների տարբերության մեջ է: Երբ ֆիզիկական ուրուտի թրթռանքը բարձրանում է, դուք դա կարող եք ընկալել որպես վատացում, զգալ ֆիզիկական զանազան տկարություններ և ձեր գիտակցության համար ծանր վիճակներ, որոնք ձեզ պարտություն են բացասական մտքերով ու հույզերով:

Պաշտելիներս, դա բնական երևույթ է: Միշտ էլ, երբ մարդկությունն անցում է կատարել գիտակցության մի մակարդակից մյուսին, սկզբում թվացել է, թե շրջապատում ամեն ինչ վատթարանում է: Որովհետև ձեր թրթռումները չեն համապատասխանում այն մակարդակին, որին տվյալ պահին անցնում է մոլորակը:

Հենց այդ պատճառով էլ դուք ձեզ վատ եք զգում: Միևնույն ժամանակ, ինչպես մենք ենք կարծում, մեզ հաջողվել է հասնել անդառնալի փոփոխությունների և ապահովել Երկիր մոլորակի թրթռանքի բարձրացման կայուն տեմպը:

Այժմ միայն ժամանակի հարց է, թե որքան արագ մարդկությունը կկարողանա ձերբազատվել իր հնամենի վերքերից և վարքի կարծրատիպերից:

Այն անհատների համար, որոնք ներքուստ կողմնորոշված են դեպի Բարձրագույն իրականությունը, որոնք իրենց ողջ էությանը ընդունեցին մեր Ուսմունքը և սրտի թրթռոով սպասում էին մեր աշխարհից առաքված յուրաքանչյուր նոր Ուղերձին, շրջապատող աշխարհի ճնշող իրավիճակը շատ շուտով կփոխարինվի թեթևության զգացումով ու վերելքով: Նրանք իրենց զգայուն բնույթով ուղղակի որսում են շրջապատող տարածության թրթռումները, և սեփական թրթռումներին դրանց անհամապատասխանությունը ստիպում է նրանց զգալ զանազան տկարություններ և հոգևոր թախիծ: Դա ավելի շուտ կարեկցանք է աշխարհի նկատմամբ և համաաշխարհային կարմայի մի մասի բեռնում սեփական ուսերին, քան զուտ գիտակցության բացասական վիճակի արտահայտություն:

Մյուս անհատները, որոնք, ցավոք, Երկրի մարդկության մեծամասնությունն են, առաջվա պես հակված են դեպի հին արժեքները, և նրանց գիտակցությունը դեռևս պատրաստ չէ Աստծուն ընդունելուն: Նրանք փորձված հնարքներով փորձում են կրկին իջեցնել իրենց թրթռումները և հայտնվել իրենց համար բնական թրթռանքի մակարդակում: Բայց դա այլևս հնարավոր չէ, քանի որ մոլորակի թրթռանքն արդեն վեր է բարձրացել:

Դուք չեք կարող առանձնանալ այն նավից, որի վրա գտնվում եք: Դուք դեպի ապագա եք ընթանում մի նավով, որը կոչվում է Երկիր մոլորակ: Եվ որքան էլ ձեզ վրդովի այն ուղղությունը, որով ընթանում է ձեր մոլորակը, ստիպված կլինեք հաշտվելու դրա հետ: Քանզի մարդկության համար այդ ուղղությունը կանխորոշված է համայն

Տիեզերքի Արարչի կամքով: Իսկ եթե չեք ցանկանում հետևել այդ ուղղությանը, ապա ձեզ միայն մի ելք է մնում՝ դուրս ցատկել տախտակամածից և հայտնվել մարդկության պատմությունից դուրս՝ լրացնելով անցյալի ճախողված քաղաքակրթությունների աղբակույտը:

Իհարկե, տիեզերական հնարավորություն որոշ ժամանակով դեռևս կհատկացվի յուրաքանչյուրին: Տիեզերական էակները շատ զգուշորեն դեռ կաշխատեն ձեր հոգիների հետ՝ ձեզ տալով բոլոր անհրաժեշտ խրատները և ուսուցումը:

Սակայն եթե ձեզնից որոշներն այնուամենայնիվ գերադասեն ընթանալ իրենց ընտրած ուղղությամբ, ապա որոշ ժամանակ հետո մենք նրանց հանգիստ կթողնենք և թույլ կտանք, որ Կարմայի օրենքն ավարտի իր աշխատանքը՝ ապահովելով տիեզերական օրինականությունը:

Տիեզերական բարեգոթությունն անչափ մեծ է, բայց անսահման չէ: Մենք նույնիսկ անհնարինը կարող ենք անել ձեր հոգիների համար, բայց միայն այն դեպքում, եթե հանձն առնեք ենթարկվել համայն այս Տիեզերքի Օրենքին:

Իսկ եթե համառորեն շարունակում եք ընթանալ ձեր ընտրած ուղղությամբ, ապա ստիպված կլինեք հրաժեշտ տալ մեզնից օգնություն և օժանդակություն ստանալու հույսին:

Տիեզերական էներգիայի ոչ մի էրզ մենք այլևս չենք ծախսի, որպեսզի պահպանենք այն, ինչը կամավորապես ենթարկվել է մահվան ու դժոխքի ուժերին:

Հենց այդ է պատճառը, որ մոլորակն այժմ այսքան անհրապույր ու անհարմարավետ է երևում: Քանզի անցումային ժամանակներում, երբ Լույսին առավել շատ է խավար խառնվում, ապրելը շատ է դժվարանում: Ուստի և մենք գալիս ու պարզաբանումներ ենք տալիս մոլորակի իրավիճակի վերաբերյալ: Եթե ձեզ հայտնի է, թե ինչ է կատարվում, ապա կկարողանաք գործել ավելի մեծ հստակությամբ և ըմբռնումով:

Մենք ձեզ գիտելիք ենք տալիս անցումային գործընթացների վերաբերյալ: Այդ գիտելիքներն ու մեր օգնության ձեռքը, որը ձեզ ենք մեկնում աշխարհների միջով, անգնահատելի օգնություն կլինեն այն մարդկանց հոգիների համար, ովքեր համահունչ են էվոլյուցիային:

Իսկ եթե հետ եք քաշում ձեր ձեռքը՝ չցանկանալով բռնել մեր օգնության ձեռքը, ապա մենք կրկին ու կրկին կփորձենք գալ և տալ մեր Ուսմունքը, քանի դեռ աստվածային հնարավորությունը փակված չի լինի: Թե երբ դա տեղի կունենա, ես ձեզ չեմ ասի: Բայց դուք մշտապես պետք է գիտակցեք, որ աստվածային հնարավորությունը կարող է ընդհատվել ցանկացած պահի, և օգտագործեք Երկրում լինելու ձեր ամեն մի ակնթարթը՝ ի բարօրություն ձեր հոգու:

Ես մեծ հույսեր ունեմ, որ այսօրվա իմ Ուղերձը ճշմարիտ ուղենիշ կձառայի ձեզ համար Երկիր

մոլորակի շարունակաբար փոթորկվող կյանքի ծովում: Եվ մենք միասին կկարողանանք հաղթահարել այս անցումային ժամանակը և հասնել այն ուրախ ժամանակներին, երբ խաղաղված կլինեն բոլոր փոթորիկներն ու մրրիկները, և արևի քնքուշ ճառագայթները շողալիս կլինեն ամպերի տակից...

Կկամենայի, որ մշտապես ձեր ներսում պահպանեք միայն դրական տրամադրվածություն:

Ձեր աշխարհում տեղի ունեցող ոչ մի բանի թույլ մի տվեք, որ ձեզ հանի հավասարակշռության և ներքին անդորրության վիճակից:

Այդ եղանակով դուք ոչ միայն ձեր հոգուն անզնահատելի օգնություն ցույց կտաք, այլ նաև Երկիր մոլորակի շատ ու շատ կենսահոսքերի:

ԵՍ ԵՄ Սուրբան

ՎԱՅՐՈՉԱՆԱ ԲՈՒԴԴԱ

26 դեկտեմբերի, 2012 թ.

ՁԵՐ ՆԵՐՍՈՒՄ ԲԱՐՁՐԱԳՈՒՅՆ ԱՇԽԱՐՀՆԵՐԻ ՀԵՏ ԻՆՔՆԱՀԱՄԱԼԱՐՄԱՆ ՀՍԿԱՅԱԿԱՆ ՆԵՐՈՒԺ ԿԱ ՊԱՀՎԱԾ

ԵՍ ԵՄ Վայրոչանան:

ԵՍ ԵՄ, որ իմ Ուղերձն այսօր ուզում եմ հղել նրանց, ովքեր պատրաստ են ինձ լսելու և ընդունելու իմ Ուսմունքը:

Մի շտապեք հաղորդակից լինել իմ Ուղերձին: Նախ կենտրոնացեք ձեր սրտի, ձեր զգացողությունների վրա: Եվ եթե ունայն աշխարհն ու ունայն մտքերը կամ ձեր աշխարհի որևէ անհամակշիռ դրսևորում համակել է ձեզ, ապա հետաձգեք իմ Ուղերձն ընթերցելը: Այն ձեզ օգուտ չի տա:

Մեր թրթռուները պետք է հավասարվեն, համալարվեն իրար հետ: Միայն այդ դեպքում դուք կկարողանաք ընկալել իմ Ուղերձը, և դրա նեկտարը կթափանցի ձեր հոգու ամենագաղտնախորհուրդ անկյունները՝ ձեզ բերելով ոչնչի հետ չհամեմատվող երանություն:

Մեր Ուղերձները թափանցում են ձեր էության մեջ և նուրբ ազդեցություն են գործում ձեր էներգետիկական համակարգի վրա: Ձեզ կարող է թվալ, թե ոչինչ տեղի չի ունենում, բայց կարող է լինել նաև հակառակը. զգացվի էներգիայի ներհոսք ձեր էության մեջ: Երկու դեպքում էլ ձեր հոգու ստացած օգուտը հսկայական կլինի: Քանզի մեր աշխարհների փոխազդեցությունը տեղի է ունենում ձեր էության ներսում, երբ դուք համալարված եք լինում Բարձրագույն աշխարհների հետ և պատրաստ եք լինում ընկալելու Բարձրագույն աշխարհների էներգիաները:

Իսկ հիմա, երբ արդեն նախապատրաստեցի ձեր գիտակցությունը, ես պատրաստ եմ սկսելու իմ խոսքը:

Ձեզ հայտնի է, որ դուք միայն միս ու ոսկորից կազմված էակներ չեք: Դուք նրբակառույց էներգե-

տիկական էակներ եք: Եվ քանի դեռ ուշադրություն չէք հատկացնում ձեր նուրբ բնույթին, այն չի կարող դրսևորվել: Սակայն յուրաքանչյուր կենդանի էակի կյանքում գալիս են պահեր, երբ նա պատրաստ է լինում ընկալելու նուրբ աշխարհները: Դա նման է ձեր էներգետիկական համակարգի ծաղկմանը: Ձեր բոլոր չակրաները բացվում և հիշեցնում են հրաշագեղ ծաղիկներ, որոնք գունազարդված են ամենանուրբ գուներանգներով, իսկ թերթիկները լինում են սրբորեն և որոշակիորեն կողմնորոշված: Ձեր չակրաները սրբին լարք ունեցող մեխանիզմ են հիշեցնում և կարող են փոխազդել Բարձրագույն աշխարհների հետ: Դրանք այն ալեհավաքներն ու ալեսառաքներն են, որոնք ձեր գիտակցությանը հնարավորություն են տալիս թափանցելու Բարձրագույն աշխարհներ:

Եվ այնժամ, երբ ձեր էներգետիկական համակարգը ճիշտ լարվածք ունի, դուք անարգել կերպով հնարավորություն եք ունենում հաղորդակցվելու նուրբ աշխարհների և աշխարհների համակարգերի հետ:

Ցավոք, երբ ես մարդկությանը դիտում եմ իմ լինելիության ոլորտից, շատ հազվադեպ եմ տեսնում ձեր չակրաների բացված ծաղիկները, որոնք վկայում են ձեր հոգևոր մակարդակի և Բարձրագույն աշխարհներն ընկալելու ձեր կարողության մասին: Որպես կանոն՝ մարդկային անհատների մոտ բացված է լինում միայն մեկ, երկու կամ երեք ստորին չակրա: Իսկ որոշ անհատներ այնպես են տարվել իրենց քմայքներով ու կրքերով, որ նրանց ջահերը՝ չակրաները, հանգել են և վերածվել տարածական սև խոռոչների, դեպի ուր հոսում է նրանց անհագ ցանկությունների էներգիան:

Ահավոր է տեսնելը, թե որոշ մարդիկ ինչի են վերածել իրենք իրենց: Փոխանակ լինելու աստվածային էակներ, նրանք վերածվել են Աստծո էներգիայի կլանիչների:

Հետագա էվոլյուցիոն զարգացման ամբողջ խնդիրն այն է, թե որքանով դուք կկարողանաք բացել ձեր էներգետիկական կենտրոնները՝ ձեր չակրաները: Ընդ որում ոչ միայն ստորին չակրաները, այլև ձեր էության ամբողջ էներգետիկական համակարգը: Որքան ձեր չակրաներն ավելի համակշռված լինեն, այնքան դուք ավելի կմոտենաք իդեալական Աստվածամարդուն:

Ձեզնից շատ շատերը զբաղվում են զանազան հոգևոր գործառնություններով: Սակայն ձեր այդ զբաղմունքնրը երբեմն անիմաստ են լինում, երբեմն՝ անօգուտ, երբեմն էլ վնասում են ձեր հոգուն ու ձեր զարգացմանը:

Ինչպե՞ս որոշեք՝ տվյալ գործառնությունը ձեզ համար օգտակար է, թե ոչ: Ինչպե՞ս գտնեք հենց այն, ինչը տվյալ պահին անհրաժեշտ է ձեր հոգուն:

Իհարկե, եթե ես դասախոսություն կարդալիս լինեի Արևելքի աշակերտների համար, ապա խորհուրդ կտայի դիմել այս կամ այն հինավուրց ավանդույթին հետևող Ուսուցչի: Հազարամյակներ շարունակ հոգևոր ավանդական շատ գործառնություններ հաստատել են դասավանդվելու իրենց իրավունքը և տվել են իրենց պտուղները՝ այդ ավանդական ուղղություններին հետևող աշակերտների հոգևոր նվաճումների տեսքով:

Իսկ ինչպե՞ս վարվել արևմուտքի մարդկության հետ, որը կորցրել է ճշմարիտ ավանդույթները, իսկ այն կեղծ գուրուները, որոնք գալիս են ուսուցանելու, հենց իրենք այնքան էլ լավ չեն տիրապետում հոգևոր ավանդույթներին և շփոթության են մատնում նրանց, ովքեր ուզում են իրենց հետևել:

Այնուամենայնիվ ձեր աշխարհում կան հինավուրց գիտելիքների հատիկներ, կան ավանդույթներ ու գործառնություններ, որոնցում դեռևս կորսված չեն անցած դարաշրջանների Բարձր Ուսուցիչների տված Գիտելիքները:

Հատկապես այն ժամանակ՝ շատ հազարամյակներ առաջ, իմաստուններն ունակ էին ընկալելու մարդու էներգետիկական համակարգին վերաբերող ճշմարիտ գործառնություն ու գիտելիքներ: Նրանք այն իմաստունների և յոգերի հետևորդներն էին, որոնք պահպանում էին Գիտելիքը: Շատ հոգևոր Ուսուցիչների մարմնավորման խնդիրն ու նպատակը հենց այն էր լինում, որ մարդկությանը գիտելիքներ տան մարդու նուրբ էներգետիկական համակարգի վերաբերյալ: Քանզի ենթադրվում էր, որ Կալի Յուգայի ժամանակներում մարդկությունը կկորցնի հնամենի հիմնական գիտելիքները: Այդպես էլ եղավ: Ամենահիմնական գիտելիքները մարդկությունը կորցրեց: Եվ միայն հին գիտելիքի առանձին կայծեր են բռնկվում մոլորակի վրա այս ու այնտեղ՝ որպես հինավուրց դպրոցների աշակերտների ձեռքբերումներ:

Ձեր գիտակցության մակարդակը թույլ չի տալիս, որ ձեզ հասանելի դառնան հինավուրց ճշմարտությունները: Այնուամենայնիվ մեր Ուղերձներով մենք այս կամ այն չափով տալիս ենք անհրաժեշտ բանալիներ, որոնք ուշադիր դիտարկման դեպքում կարող են բացել ձեր գիտակցությունն ու քնած ունակությունները և ցույց տալ ձեր հոգևոր որոնումների ճիշտ ուղղությունը:

Մենք քչից ենք սկսում՝ ճշմարիտ նմուշների և ներքին, որոնցով անփոփոխ կերպով պետք է շրջապատեք ինքներդ ձեզ: Ամեն մի առարկա կամ պատկեր, որը հայտնվում է ձեր տեսադաշտում, ազդում է ձեր էներգետիկական համակարգի վրա: Եվ եթե մշտապես դիտում եք ոչ ճիշտ նմուշներով զովագուներ, ապա դրանք ձեր էներգիան կենտրոնացնում են ստորին չակրաների վրա և Սրբազան Հրին թույլ չեն տալիս, որ հասնի ձեր էության բարձրագույն չակրաներին: Դուք ինքներդ եք կամավոր կերպով արգելափակում ձեր ողնաշարով վեր ելնող բարձրագույն էներգիայի հոսքը:

Անորակ երաժշտությունը, մտով սևվելը, թմրանյութերը, ակոհոլը, նիկոտինը, պոռնոգրաֆիայով տարվելը ձեզ քաշում են դեպի ցածրագույն էներգետիկական մակարդակները և թույլ չեն տալիս, որ ձեր հոգին զարգանա:

Հրաժարվեք ոչ ճիշտ նմուշներից ու դրսևորումներից, և ձեր Բարձրագույն Եսն ունակ կլինի ձեզ հանելու ճիշտ Ուղու վրա: Դուք զանազանելու կարողություն ձեռք կբերեք և այլևս չեք նմանվի այն կույր կատվաձագերին, որոնք մի հոգևոր ուղղությունից վազում են մյուսին:

Ուղին ամբողջովին ձեր ներսում է: Եվ երբ ձեր էներգետիկական համակարգն ազատվի զանգվածային գիտակցության ձևաչափերից, կկարողանա ուղղորդել ձեզ: Ձեր ներսում Բարձրագույն աշխարհների հետ ինքնահամալարման հսկայական ներուժ կա պահված:

Եվ եթե կարողանաք ազատվել զանգվածային գիտակցության կապանքներից ու ձեր շրջապատի ոչ ճիշտ նմուշներից, ապա հաշված տարիների ընթացքում հոգևոր շնորհներ ձեռք կբերեք, այդ թվում՝ նաև զանազանման շնորհ:

Ջանգվածային գիտակցությունը և այն կառույցները, որոնք կանգնած են դրա հետևում, չարի ուժերի մարմնացումն են: Եվ մարդկության հաջորդ փուլը պետք է նշանավորվի նրանով, որ ձերբազատվի այն ամենից, ինչը ձեր Կունդալինիի էներգիային թույլ չի տալիս բարձրանալու ողնաշարի հիմնամասից դեպի վեր:

Առայժմ Աշխարհի Մայրը ծածկված է պատրանքի ծածկոցով, բայց հաջորդ դարաշրջանն աշխարհի համար կբացի Աշխարհի Մոր դեմքը: Իսկ դրանից հետո ոչինչ չի կարողանա կասեցնել մարդկության ընթացքը դեպի Ոսկեդարի ժամանակաշրջան:

Այսօրվա մեր գրույցը շատ գաղտնի բանալիներ է պարունակում իր մեջ: Հայրական հոգածու

ձեռքով ես հասա ձեր քնած գիտակցությունը: Եվ համբերությամբ սպասում եմ, թե մարդկության լավագույն ներկայացուցիչները ճիշդ կարթնանան

քաղցր քնից և կնդվեն դեպի աստվածային գիտակցության Արևը:

ԵՍ ԵՄ Վայրոջանան

ՍՊԻՏԱՄԱ ԶՐԱԴԱՇՏ

27 դեկտեմբերի, 2012 թ.

ԴՈՒՔ ԱԿՆԱԾԱԼԻՑ ԵՐԱԽՏԱԳԻՏՈՒԹՅԱՄԲ ՊԵՏՔ Է ՀԱՄԱԿՎԵՔ ԱՅՆ ՄԵԾԱԳՈՒՅՆ ԶՈՒՄԵՐՈՒԹՅԱՆ ՀԱՆԴԵՊ, ՈՐԸ ՍԱՆԱՏ ԿՈՒՄԱՐԱՆ ԱՐԵԼ Է ՀԱՆՈՒՆ ՁԵՐ ԿԵՆՍԱՀՈՍՔԵՐԻ

ԵՍ ԵՄ Զրադաշտը...

Ես կրկին եկել եմ...

Այսօր մենք կդիտարկենք Աստծո Ճշմարտության ևս մեկ եզրաշերտ:

Երբ ես մարմնավորման մեջ էի, դարձա մարգարեն մի կրոնի, որը հիմա այնքան էլ հայտնի չէ Երկիր մոլորակում: Բայց այն ժամանակվա համար ամենաառաջադեմ կրոնն էր դա: Իսկ եթե համեմատենք ներկայումս գոյություն ունեցող դավանաբանությունների հետ, ապա ինչ-որ բանով ես բավականին առաջ էի անցել ինչպես իմ ժամանակից, այնպես էլ ներկայիս դավանաբանական աշխարհայացքներից: Ես էի, որ հիմնեցի մարդկային բնույթի հրեղեն, բոցեղեն լինելու հասկացողությունը: Ես հաստատեցի հրի պաշտամունքը, հրեղեն, արևային Աստվածության պաշտամունքը, որին մարդկությունը պարտական է իր բանականության շտրիի համար: Ես հաստատեցի Արամազդի պաշտամունքը: Մարդկության պատմությանն այդ մեծագույն անհատականությունը հայտնի է բազմաթիվ անուններով: Իսկ հիմա այդ անհատականությունը ձեզ հայտնի է որպես Սանատ Կումարա:

Այո՛, ես եղա Սանատ Կումարայի մարգարեն: Եվ ցայսօր խոնարհվում եմ Նրա մեծության առջև, այդ Բարձր Ոգու մեծության առջև:

Այդ Ոգու շտրիիվ է, որ Երկրի մարդկությունը կարողացավ շարունակել իր էվոլյուցիան: Եվ չափազանց անարդար բան կլինի այդ բարձր անհատականության Ոգու սխրանքը մոռանալը: Մեծ երախտամոռություն կլինի, եթե մոռացության մատնվի այն Էակը, որի շտրիիվ մարդկությունը մինչև այժմ շարունակում է իր էվոլյուցիան:

Հարկ է, որ պատմեմ ձեզ այդ պատմությունը: Այն, հնարավոր է, ձեզնից ոմանք շատ անգամ են լսել, ոմանք էլ գուցե առաջին անգամ կլսեն: Ան-

հիշելի ժամանակներ առաջ մոլորակի իրավիճակը սկսեց վատանալ: Ոչ ոք չէր կարողանում պահել ու պահպանել իր աստվածային բնույթը: Ոգու թրթիռները չէին մնում նույնիսկ ստորին չակրաներում:

Համայն մարդկությունն անհուսալիորեն արգելափակել էր Աստծո էներգիայի մատչելիությունը:

Դա եղել է միլիոնավոր տարիներ առաջ: Եվ այն ժամանակվա մոլորակի վիճակը շատ նման էր ներկայումս հաստատված վիճակին:

Մոլորակի վրա չկար որևէ մեկը, որ կարողանար իր չակրաներում պահպանել Կյանքի Բոցը՝ Աստծո Հուրը: Մոլորակի վրա չկար որևէ Էակ, որ կարողանար Աստծո էներգիան փոխանցել աշխարհին:

Համաձայն Օրենքի՝ եթե աշխարհը կտրված է Աստծուց, ապա ենթակա է ոչնչացման՝ որպես ձախողված քաղաքակրթություն:

Աստված մտադրվել էր արդեն նոր խմոր հունցել Երկիր մոլորակի համար:

Սակայն գտնվեց շատ բարձր մի անհատականություն, որն իր հովանու տակ առավ մոլորակն ու նրա էվոլյուցիան:

Եվ ահա բառացիորեն վերջին պահին այսպիսի որոշում կայացվեց. Երկիր մոլորակի կենսահոսքերը կշարունակեն իրենց գոյությունը, բայց միայն այնքան ժամանակ, քանի դեռ Երկրի վրա մնացած կլինի մարմնավորման մեջ գտնվող գոնե մեկ մարդ, որը կպահպանի գիտակցության աստվածային մակարդակը:

Առաջինը, ով հանձն առավ խավար մոլորակի վրա կրելու մարմնավորման խաչը, Սանատ Կումարան էր: Նա իր բոլոր նվաճումները գոհաբերեց, որպեսզի մարմնավորվի և Երկրի կենսահոսքերի մեջ ներարկի Աստվածառաջնորդության սկզբունքներն ու Աստծո Օրենքի ըմբռնումը:

Ոգու այդ սխրանքի շնորհիվ միլիոնավոր կենսահոսքեր կարողացան Երկիր մոլորակի վրա շարունակել իրենց էվոլյուցիան:

Ես պետք է ձեզ համար հատուկ նշեմ, որ Երկիր մոլորակի այդ խավար ժամանակների ինչ-որ հատվածում ձեզնից յուրաքանչյուրը մարմնավորվել է մոլորակի վրա: Եվ բոլորդ հենց Սանատ Կումարային եք պարտական, որ հիմա շարունակում եք ձեր էվոլյուցիան:

Արդյոք ձեզնից շատերն են հիշում այդ մասին: Արդյոք շատերինդ սրտում է պահպանվում Սանատ Կումարայի նկատմամբ երախտագիտության զգացումը:

Այդ ժամանակներից միլիոնավոր տարիներ են անցել: Սանատ Կումարան կրկին ու կրկին գալիս էր Երկիր, որպեսզի այնտեղ պահպանվեր գիտակցության անհրաժեշտ մակարդակը: Եվ ես հպարտ եմ, որ պատիվ եմ ունեցել Նրա մարգարեն լինելու:

Սանատ Կումարան՝ Արամազդը, ինձ իր մարգարեն համարելով, իմ միջոցով տվեց Օրենքի ըմբռնումը:

Դրանից հետո էլի շատ ժամանակներ են անցել: Սակայն այն կրոնների հիմնադիրները, որոնք այս կամ այնտեղ առաջանում էին երկրագնդի վրա, իրենց ներսում ունենում էին այդ մեծ անհատականության՝ Սանատ Կումարայի ներկայությունը: Ուրիշ մեծ հոգիներ էլ են եղել, որոնք ներկա են եղել այս կամ այն մարգարեի կամ կրոնի հիմնադրի ներսում, սակայն բոլոր այդ ճշմարիտ մարգարեններից յուրաքանչյուրի ներսում, թեկուզ կարճ ժամանակով, ներկա է եղել Սանատ Կումարան: Եվ այն ներքին ուղղությունը, որը երկրագնդի տվյալ վայրում ու դարաշրջանում մարմին առած Երկնքի դեսպանը ստանում էր, դրանով իսկ կարողանում էր հաստատել Աստվածառաջնորդության սկզբունքները և համայն Տիեզերքի Օրենքը:

Այն բանի համար, որ մարդկային էվոլյուցիան շարունակվում է, մարդկությունը պարտական է Մեծ Ոգուն՝ Սանատ Կումարային:

Ես օգտվում եմ ստեղծված հնարավորություններից, որպեսզի գամ և տամ ահա այս Ուսմունքը: Քանզի վստահ եմ, որ այս Դեսպանորդը կներդնի բոլոր ջանքերը և կանի հնարավոր ամեն ինչ, որ իմ այս Ուղերձը գրառվի ու մնա ձեզ ու ձեր հետնորդների համար: Հինավուրց Ուսմունքի իմացությունն ու դրա հիմնական դրույթները պետք է

մշտապես առկա լինեն երկրագնդի վրա, լինեն դրանք սրբազան տեքստերի տեքստով, թե անմիջականորեն մեր դեսպանորդների ու մարգարեների աուրաներում:

Մեծ ողորմածություն է աշխարհի համար, որ Սանատ Կումարան շարունակում է իր սպասավորությունը՝ հանուն Երկիր մոլորակի կենսահոսքերի:

Եվ հիմա, երբ արդեն գիտեք, թե ում եք պարտական ձեր էվոլյուցիայի շարունակման համար, այլևս չեք կարողանա անպատասխանատու կերպով տնօրինել ձեզ հատկացվող Աստծո էներգիան: Միլիոնավոր տարիներ Սանատ Կումարան գամված է մատերիայի խաչին, որպեսզի ձեր հոգիներն ամրանան և կարողանան պատասխանատվություն վերցնել թե՛ մոլորակի, թե՛ իրենց սեփական էվոլյուցիայի համար:

Դուք այլևս չեք կարող այնպիսի տեսք ընդունել, թե ձեզ ոչինչ հայտնի չէ: Պարտավոր եք գիտակից լինել և ակնաձայից երախտագիտությամբ համակվել այն մեծ զոհաբերության հանդեպ, որին Սանատ Կումարան գնացել է՝ հանուն ձեր կենսահոսքերի:

Ես այսօր եկա, որ բացեմ ձեզ համար այս հինավուրց պատմությունը, և որ դուք կարողանաք ավելի գիտակցված ու ակնաձայից երախտագիտությամբ վերաբերվել Երկնքի այն մեծ ողորմածությանը, որը միլիոնավոր տարիների ընթացքում ցուցաբերվում է Երկրի մարդկությանը:

Սիրո և երախտագիտության ձեր յուրաքանչյուր առաքումը Սանատ Կումարային, անցյալի ու ներկայի բոլոր մարգարեններին, որոնք Աստծո Մեծ Ճշմարտություն են ուսուցանել մարդկությանը, Կարմայական Վարչությունը կդիտի որպես այն բանի նշան, որ մարդկությունը ցուցաբերում է գիտակցության այնպիսի մակարդակ, որը բավարար է նրան նոր ողորմածություններ ու թողություններ շնորհելու համար:

Ես եկա և հիմա լքում եմ ձեզ:

Աշխատեք չմոռանալ իմ այս Ուղերձը ձեր աշխարհում թագավորող ունայնության ու քառսի պայմաններում:

Իմ այս Ուղերձի փոխանցումով ձեր ուսերին մեծ պատասխանատվություն ընկավ:

Պահպանեք ձեզ և ձեր ներսի աստվածային կրակները...

ԵՍ ԵՄ Զրադաշտը

ՎԵՀԱՊԵՏ ԷԼ ՄՈՐԻԱ

28 դեկտեմբերի, 2012 թ.

ՊԵՏՔ Է ՍԿՍԵԼ ԳՈՐԾԵԼ...

ԵՍ ԵՄ Էլ Մորիան...

Հապճեպությամբ է թելադրված այսօրվա Ուղերձը:

Հենց նոր դուրս եկա Կարմայական Վարչության նիստից, որպեսզի ձեզ փոխանցեմ այդ նիստի վերջին նորությունները:

Դե ինչ, տարվա արդյունքներն ամփոփված են: Ձեզ համար ես պետք է նշեմ, որ արդյունքները մի կողմից ուրախալի են, քանի որ հաջողված համարվեց Երկիր մոլորակի թրթռանքի անցումը նոր մակարդակի... Մեզ հաջողվեց խուսափել արտակարգ իրավիճակներից, և դա ուրախալի է...

Մյուս կողմից՝ տխրեցնող բան էլ կա: Եվ դուք հավանաբար գլխի եք ընկնում, թե ինչն է դա: Ներկայումս մարմնավորման մեջ գտնվող մեր սաներից մենք ավելի մեծ ժրություն, գիտակցականություն և նվիրվածություն էինք ակնկալում:

Վերջին մի քանի տարիների ընթացքում մեզ հաջողվեց համարյա անհնարինն անել. Ռուսաստանի ֆիզիկական ոլորտում մենք ստեղծեցինք Եղբայրության առաջապահ կետը՝ Լոյսի ամրակետը: Դա մինչև այժմ չտեսնված մի հաղթանակ էր, որն իրականություն դարձավ 2007 թվականին:

Իսկ այն, ինչ եղավ հետո, օրինակելի չի կարող համարվել: Համընդհանուր ավստասնք է հարուցում այն, որ Ռուսաստանի լուսակիրները չկարողացան պահպանել Եղբայրության առաջապահ կետը: Մեր դեսպանորդի Աշրամի հողը բոլոր այս հինգ տարիների ընթացքում անընդհատ հարձակման էր ենթարկվում մեզ հակադիր ուժերի կողմից: Չէինք հասցնում հետ մղել մեկը մյուսին հաջորդող գրոհները: Մեր դեսպանորդի Աշրամի հետ կապված բոլոր տխուր իրավիճակների մասին մենք անհապաղ ձեզ տեղեկացնում էինք մեր Ուղերձներով: Ինքս շատ անգամ եկել և աղաչել եմ ձեզ, որ օգնեք:

Ձեր օգնության փոխարեն մենք տեսնում էինք մեր նախկին բոցաշունչ հետևորդների քարացած սրտերը: Մեկը մյուսի հետևից լուսակիրները լքում էին դեսպանորդին, և նրանցից շատերը դիմեցին վատագույն հանցագործության՝ դավաճանությամբ:

Արդյո՞ք ուժերից վեր գործ կլինեք համախմբվելու ու գրոհների ճնշմանը դիմագրավելու: Արդյո՞ք այդքան ծանր բան է Լոյսի բեռը կրելը:

Շանտ ավստոս, որ աստվածային հնարավորության պատուհանը, որն այսքան ժամանակ բաց էր Ռուսաստանի համար, փակվեց:

Կանխագգում եմ, թե ինչպիսի խուճապային տրամադրության մեջ կհայտնվեն իմ այս Ուղերձն

ընթերցող ու վերընթերցող մեր աշակերտներից շատերը:

Կանխատեսում եմ կասկածների և բացասական բռնկումների ալիք...

Արդյո՞ք արժանավայել պահվածք ունեցան մեր աշակերտները: Միթե՞ այդպես են ձեզ ուսուցանել Համբարձյալ Վեհապետները...

Այո, Կարմայական Վարչությունը հաստատեց, որ Ռուսաստանի համար աստվածային հնարավորությունը փակված է արդեն, և արգելք է դրված Ռուսաստանի հողում Վեհապետների Ուղերձները փոխանցելու գործին:

Մեր անեղծ աշակերտներն անհաջողությունը դիտում են որպես սխալներից դաս առնելու հնարավորություն: Մեր անեղծ աշակերտները մեզ հակադիր ուժերի գրոհի ճնշմանը հակադրում են իրենց կոռ միասնությունն ու համախմբվածությունը:

Համախմբվելու առիթ կա... Կա խնդիր, որը ենթակա է լուծման...

Ձեր ջանքերի օգնությամբ և ձեր սրտերի կրակի շնորհիվ կարող է բացվել նոր հնարավորություն: Յու՛ր յո՛ւր ձեր համախմբվածությունը... Պատրաստակամություն՝ նույնպես զոհաբերելու ձեր պատրաստության թուլեցան հաճույքներն ու խաղերը՝ հանուն Վեհապետների գործի...

Ինչո՞ւ են մեր դրոշների տակ այդքան սակավ անեղծ ու նվիրյալ մարտիկները: Ո՛ր կորան այն ասպետներն ու հսկաները, որոնք մարմնավորվելուց առաջ պարտավորվել էին պաշտպանել մեր դեսպանորդին...

Էհնէ, որտե՞ղ եք...

Արդյոք այդքան ծանր եղավ ձեր բաժին բեռը: Ժամանակը չէ, որ հիշեք ձեր պարտավորությունների ու պարտքի մասին...

Խոսքս ուղղված չէ նրանց, ովքեր դավաճանեցին ու հեռացան: Հիմա ես դիմում եմ նրանց, ում ներսում դեռ նվիրվածության կայծ և աստվածային հուր կա:

Յուրաքանչյուր Վեհապետներին ծառայելու ձեր վճռականությունը, և Կարմայական Վարչությունը կրկին կքննարկի Ռուսաստանի համար աստվածային հնարավորություն բացելու հարցը:

Իսկ առայժմ մենք ստիպված ենք մեր Ուղերձները տալ բոլորովին ուրիշ երկրներում:

Այս անգամ մենք մեր Ուղերձները տվեցինք Պորտուգալիայում: Ուղերձների նախորդ շրջանը, ինչպես հիշում եք, անցավ Լատվիայում:

Ինչ արած, Աստված ցանկացած իրավիճակում կարողանում է դրական պահեր գտնել: Եթե լու-

սակիրները չկարողացան ճիշտ ժամանակին բռնել մեր դրոշը և մեր Ուսմունքը տարածել ամբողջ աշխարհում, ապա մենք ինքներս կանենք դա:

Ձեզ հայտնի է, որ մեր Ուղերձներն ընդունելու ընթացքում հորդում է Լույսի հսկայական քանակություն: Եվ դա է այն գլխավորը, հանուն որի մենք տալիս ենք մեր Ուղերձները: Ուստի հիմա աշխարհի շատ երկրներում հնարավորություն ունենք մեր դեսպանորդի համար ստեղծելու այն պայմանները, որոնք անհրաժեշտ են մեր Ուղերձներն ընդունելու համար: Երկրագնդով մեկ էներգիայի հավասարաչափ բաշխումը ողջունելի գործ է...

Իմ այս Ուղերձի ավարտին կուզենայի ձեր գիտակցության մեջ ամրապնդել վերահաս փոփոխությունների անխուսափելիության գաղափարը:

Եվ որքան արագ կարողանաք յուրացնել մեր կողմից տրվող Ուսմունքը, այնքան արագ էլ փոփոխություններ տեղի կունենան մարդկային համակեցության կյանքի բոլոր ոլորտներում:

Սկզբի համար մեկընդմիջտ հիշեք հետևյալը. Լույսի՝ ֆիզիկական ոլորտին վերաբերող բոլոր գործերում հարկ է, որ ցուցաբերվի լիակատար հոգածություն ու պատասխանատվություն: Պատկերացրեք ուրիշ երկրի մի դեսպանի, որն իր դեսպանության երկրի իշխանական մարմինների ու բնակչության կողմից արժանանում է անըմբռնողության ու բացահայտ թշնամական վերաբերմունքի: Կարծում եմ, որ աշխարհի ոչ մի երկիր չի հանդուրժի իր ներկայացուցչի նկատմամբ նման թշնամական վերաբերմունք: Մենք՝ Համբարձյալ Վեհապետներս, նույնպես չենք կարող հանդուր-

ժել թշնամական վերաբերմունք մեր Դեսպանորդի նկատմամբ: Բազմիցս ուսմունք է տրվել այն կարմայի մասին, որն առաջանում է Երկրի վրա եղած մեր ներկայացուցչի՝ մեր Դեսպանորդի նկատմամբ ցանկացած բացասական գործողություն ձեռնարկելու դեպքում:

Ցանկացած կարմա կարելի է ամենահեշտ ճանապարհով բեռնաթափել՝ սխալներն ընդունելով և ներողություն հայցելով: Իսկ եթե տգիտությունն ու սնապարծությունը մարդկանց թույլ չեն տալիս, որ սխալներն ընդունեն և զոջան, ապա բացասական կարման սկսում է իջնել ֆիզիկական ոլորտ՝ ընդունելով զանազան արհավիրքների, սոցիալական պայթյունների և ֆինանսական աղետների տեսք:

Ուստի ձեռքերը ծալած նստելու ժամանակ չկա: Պետք է սկսել գործել... Մի՛ վախեցեք ձեր սխալ գործողություններով կարմա ստեղծելուց: Եթե ձեր շարժառիթն արդար է, ապա որքան էլ պատմական տվյալ պահին սխալ լինեն ձեր գործողությունները, Աստված միշտ կկարողանա շտկել իրավիճակը և ուղղել ձեր սխալները: Անհամեմատ վատթար է անգործության կարման, երբ, հարգելի պատճառով պայքարի մեջ չմտնելով, դուք զիջում եք նվաճված դիրքերը և կորցնում սրընթաց գրոհի ընձեռած առավելությունները:

Սովորե՛ք ձեր սխալներից:

Մի՛ երկնչեք գործել հանուն Երկիր մոլորակի կենսահոսքերի բարօրության...

ԵՍ ԵՄ ԷՆ Մորիան